

«SOS O'zbekiston bolalar mahallalari» ga tashrif

Bolalik - hayot ummonining musaffo sarchashmasi. Boisi, u har bir murg'ak qalb uchun tashvishlardan yiroq, ezgulikka to'la lahzalardir. Bolajonlarning bahor tongi misol beg'ubor qalbi faqat yaxshiliklarga yo'g'rilgan bo'ladi. Shu sabab "Yer resurslarini boshqarish" fakulteti dekani Sh.Narbaev, Yoshlar bilan ishlash bo'yicha dekan muovini H.Eshova hamda Yerdan foydalanish kafedrasida katta o'qituvchisi, institut xotin-qizlar kengashi raisi o'rinbosari Z.Hafizova tashabbusi bilan mustaqilligimizning 30 yilligi munosabati bilan "Bolalalaga bering dunyoni" shiori ostida xayriya tadbiri o'tkazildi. Ushbu xayriya tadbiriga yig'ilgan mablag'ga Toshkent shahri, Mirzo Ulugbek tumanidagi "SOS" bolalar shaharchasi bolajonlariga o'zining ziyo nurlaridan ulashdi. Xalqimizda bir gap bor: bolani begonasi bo'lmaydi. Yetim odatda ojiz va zaif shaxs bo'ladi. Yetimni xo'rlovchi, unga zulm qiluvchi, haqqini poymol qiluvchi shaxsni haqiqiy dindor deb bo'lmaydi.



Yetimlarga yordam berish nihoyatda savobli ish. Yetimlarga ovqat, kiyim-kechak, ta'lim va tarbiya berish o'ziga to'qlarning zimmasidagi burchdir. Shunday qilinsa, yetim jamiyat uchun foydali shaxs bo'lib yetishadi. Agar unga beparvo qaralsa, kamsitilsa, razolat va jinoyat ko'chasiga kirib, o'zi yashayotgan jamiyatga faqat zarar keltiruvchi shaxsga aylanadi. Shu sababli har birimiz savobli ish qilishdan charchamaylik. Ularning shirin so'zlari, go'zal tabassumi uchun har narsaga tayyormiz.



ERB fakulteti Yoshlar bilan ishlash bo'yicha dekan muovini H.Eshova axboroti

TIQXMMI matbuot xizmati